

Menyambut Bulan Ramaḍān al-Mubārak

**Qāla Rasūl Allāh ṣallā Allāh `alayhi wa sallam*

Izā dakhala *futūḥat abwāba al-Jannah* **Ramaḍān**

waghuliqat abwābu al-Nār wa sulsilat al-shayāḥīn wa yunādiy munādiy kullu lailat

yābāghiy al-khayru halumma, wayābāghiy al-sharra qasir wa qāla aiḍā inna ft al-Jannah bābā yuqālu lahu

al-Rayyan la yadkhalahu illa al-ṣā'imūn fa izā dakhālū ghuliqa falā yadkulahu aḥada

Dan sabdanya lagi: “Sesungguhnya di dalam Syurga ada sebuah pintu bernama ((al-Rayyān)), tiada dimasukki melainkan orang-orang yang berpuasa. Apabila mereka memasukinya: tertutuplah ia, maka tiada seorang pun yang akan memasukinya lagi”.

(Oleh: Abu Faisal)

Dua hadith yang diterakan di atas tadi memberi gambaran yang jelas setakat mana mulianya bulan Ramaḍān al-mubārak ini dan setakat mana besar pahalanya orang-orang yang berpuasa.

Berpuasa pada bulan Ramaḍān, yang menjadi salah satu rukun Islam adalah menjadi ujian kepada umat Islam. Berbahagialah orang yang menunaikan fardu puasanya sebagaimana yang ditetapkan oleh syarak, dan besarlah dosanya orang yang meninggalkannya dengan ketiadaan uzur.

Puasa yang dikehendaki oleh syarak ialah puasa yang dapat menanam sifat takwa di dalam diri orang yang

Ertinya: Rasulullah (S.A.W.)

bersabda: Apabila masuk bulan

Ramaḍān, terbukalah pintu-pintu

Syurga, dan tertutuplah pintu-pintu

Neraka, dan segala syaitan pun

dirantailah dan dibelenggu. Lalu

juru hebah menyeru kepada tiap-tiap malam

(katanya): ((Wahai orang yang

sukakan kebajikan bersegeralah

mengerjakannya. Dan wahai orang yang

gemarkan kejahatan, berhentikanlah

kejahatanmu itu)).

berpuasa itu. Puasa yang demikian tidak akan dapat

dicapai melainkan apabila orang yang berpuasa dapat menahan

diri daripada dosa dan hawa nafsu, sebagaimana ia

menahan diri daripada makan minum dan segala perkara

yang membatalkan puasa.

Amalan puasa yang utama akan tercapai apabila

seseorang berlaku sederhana dalam makan minumnya,

dan meninggalkan perbuatan yang berlebih-lebihan.

Amalan puasa menghidupkan rasa kesedaran golongan

yang mewah dan senang-lenang terhadap saudara-saudaranya yang

sekian lama menderita dan miskin.

Pendeknya, puasa tidak akan sempurna selagi ia belum dapat menumbuhkan rasa ((takwa)) pada diri orang yang berpuasa itu, sebagaimana yang tersimpul dalam firman Allāh Ta‘ālā:

((*Yā ayyuhā alladhīna āmanū kutiba ‘alaykumu al-ṣiyāmu ka mā kutiba ‘alā alladhīna min qablikum la‘allakum tattaqūn.*))

Ertinya: ((Wahai orang-orang yang beriman! Kamu diwajibkan berpuasa sebagaimana orang-orang yang terdahulu daripada kamu diwajibkan berpuasa, mudah-mudahan kamu bertakwa (menjauhkan diri dari larangan-Nya dan patuh mengerjakan suruhan-Nya)).

Di dalam hadith kudsī, Allah ‘Azza wa Jalla berfirman: ((*Kullu ‘amali ibni Ādama lahu illa al-ṣawma fa innahu lī wa anā ajzī bih.*))

Ertinya: ((Tiap-tiap amal anak Adam adalah untuknya melainkan puasa, maka ia adalah untuk-Ku, dan Aku

membalas pahala kerananya.))

Di dalam suatu hadith, Rasulullah *ṣalla Allāhu ‘alaihi wa sallam* bersabda:

((*Man ṣāma ramaḍāna imānan wa ihtisāban ghufira lahu mā taqaddama min ḥaṭibih.*))

Ertinya: ((Barangsiapa berpuasa Ramaḍān, hal keadaannya beriman dan ikhlas, diampunkan dosanya yang telah lalu.))

Satu keistimewaan lagi yang tidak bertolak banding terdapat dalam bulan Ramaḍān al-mubārak, iaitu malam ((*Laylah al-Qadr*)) yang maha berkat, yang lebih mulia dan lebih besar pahala ibadat yang dibuat di dalamnya daripada ibadat ((seribu bulan)) yang dikerjakan pada waktu yang lain.

Mudah-mudahan umat Islam berjaya menempuh ujian yang sangat besar kesan kebaikannya ini untuk rohani dan jasmani, dan sangat besar pula pahalanya.

Ertinya: Rasulullah (S.A.W.)

bersabda: ((Berpuasalah kamu ketika melihatnya (anak bulan Ramaḍān) dan berbukalah ketika melihatnya (anak bulan Shawwāl). Jika ia (anak bulan Ramaḍān) terlindung kepada kamu, maka sempurnakanlah bilangan bulan Sha‘bān tiga puluh hari)).

